

Коми Республикаса том войтырлөн газет



2014
ода-кора
16-өд
лун

19 №
(1144)

**«Ичот мортлөн»
странанын төдчанлун**

10-11 л.б.

Тайо НОМЕРЫН

Апрель помын Ю.Спиридонов нима искусствояс гимназиялн актвöй залын мунис культура колледжса «Пельись моляс» ансамбльлн отчетнöй концерт. Татчö чукöртчылисны ансамбльлысь сьылöм-йöктöм видзöдны радейтысьяс.

4
л.б.

Юркарын мунис карса акция - «Менам рöдлн вужъяс» («Моя родословная»). Уджъяс-сö вöчисны челядь, садйö ветлысьяс асланыс бать-мамкöд да пöль-пöчкöд. Зэв аслыспöлöссь найö артмисны.

8
л.б.

Яков Лушков велöдчö 7-öd классын Сыктывкарын университетбердса лицейын. Водзмöстчысь зонка удитö и велöдчыны, и олимпиада-конкурсö да конференцияö пырöдчыны, тшöтш и мукöд сикас вермасьöмö. Нимкодь, мый Яша шедöдö приза местаяс республикаса да став Россияса тшупöдын.

10-11
л.б.

Кöрткерöс районса Нёбдин сиктысь ныв-зон гижöны сиктса уджач йöз йылысь. Уджтöгыд овны гажтöм, кадыс оз мунни. Челядь тöдмöдöны, кутшöм уджач йöз олöны налн чужанын.

12-13
л.б.



ПÖСЬ ЮÖР

Гижан комиöн? Лок! Виччысям!

Том гижысьяслн Гожся университет таво кутас уджавны июль 1-7 лунгъясö. Сэтчö веськалöм могысь творческой конкурсыс мунас июнь 10 лунöдз.

Журналистика да художествоа гижöд лабораториясын велöдчысьяс аддзысьласны нималана гижысьяскöд, журналистьяскöд, учёнойяскöд, том коми войтырлн «МИ» котырын водзмöстчысьяскöд, тöдмасысны коми газет-журналса редакцияслн, «Коми гор» телерадиокомпаниялн уджөн. Накöд нуöдасны вужвойтырлн историякöд да культуракöд йитчöм ворсöмъяс, велöдасны компьютерн уджалигн вöдитчыны коми шыпасъясн.

Ветласны и Сыктыв районас Кебра сиктö, кöни лоас коми литературалы подув пуктысь Иван Куратовлн чужöмсянь 175 во тырöмлы сиöм гаж.

Кыдзи и воддза воясö, Гожся университетö воласны Перым-Коми кытшысь велöдчысьяс. Сидзкö, коми ныв-зонлн лоас позянлун пыдисянджык тöдмасыны перым-коми, а перымса коми-лы - зыряна кывйөн.

Гожся университетын велöдчыны корöны 15-20 арöса том войтырöс, кодъяс бура сёрнитöны да гижöны комиöн, а водзö вылö кöсийöны лоны чужан кыв туялысьн, гижысьн либö журналистн.

Конкурс вылö уджъяс - комиöн гижöм кывбур-висьт, очерк-серпас, рецензия, рочысь вуджöдöм - колö ыстыны июнь 10 лунöдз Россияса финн-йöгра культура шöринö. Адресыс: **167000, Сыктывкар, Ленин улица, 73-öd керка.**

Позьö мöдöдны и электроннöй поштаöн fucult@finnougoria.ru адресö да пасйыны: «Том гижысьяслн Гожся университет».

Тшöтш колö индыны ним-вич-ов, чужан лун, гортса адрес, телефон номер, а сидзжö и коми кыв велöдысьлысь ним-вич-овсö да телефон номерсö.

Юасьöмъясн позьö шыöдчыны Россияса финн-йöгра культура шöринö, телефон номеръясыс **8 (8212) 24-32-80** да **44-03-40**.

Гожся университетын велöдасны, вердасны-овмöдасны дон босьтöг. Мынтысьны ковмас сöмын Сыктывкарö мунöм-локтöмысь.

Том гижысьяслысь Гожся университетсö котыртö Россия Федерацияса финн-йöгра культура шöрин. Таын отсалöны сылы Финляндияысь Матиас Кастрен котыр, Комиысь национальнöй политика, культура да йöзöс велöдан, Перым крайысь Коммулн могъяс кузя министерствояс, печать да юөр сетан агентство, республикаса гижысь котыр, «Коми гор» телерадиокомпания.

ВОДЗМӨСТЧӨМ

Май 1-5 лунъясö Волга ю бокин меститчöм «Росинка» лагер шызьывліс челядь гөлөсьясысь. Буретш тані муніс войтыркостса «Волжские встречи-25» фестиваль. Нель лун чöж матö 300 том журналистлөн вöлі позянлун пырöдчывны тöдчана журналист-войтырөн вöзйöм мастер-классьясö, снимайтны телепередачаяс, гижны материалъяс газетö, а медбöрын лэдзны аддзысьлöм лунъяслы сиöм газет.

Волга ю вылын - нималана журналистъяскöд

Біджид форум öтувтис уна йöзöс. Фестиваль вылö волісны Чувашия Республикалөн юралысь Михаил Игнатъев, республикаса министръяс, а тшöтш и телекомпаниясын зільысьяс. Форумö пырöдчöм вылö став Россиясысь волöма сюрс сайö заявка. Но фестиваль вылö волысьыс волöма куим пöв этша. И тайö этшаыс - медшуда войтыр, öд найö веськавлісны ас кодъныс жö том журналист пöвстö, видлісны вынъяссö материал гижöмын, гөгөрвоисны ассыныс тырмыгöмторнысö да босьтисны колана тöдöмлун нималана войтырлысь. Сідзжö тöдмасисны Россиялөн быд пельöсын олысь нывзонкöд, ёртасисны да көсйисисны и водзö аддзысьлыны öта-мöдныскöд.



Тайö фестиваль вылас ветлöмаöсь Изъваысь нель велöдчысь да налөн веськöдлысь. Туйныс, дерт, зэв сьöкыд волöма, весиг узыштнысö абу вермöмаöсь. Öд öтувъя вагонын водны некытчö, да и 15 час чöж автобусын мунігөн весиг коктö некытчö нюжöдлыны. Узьöм да шойччöм йылысь тайö лунъяс вылö ковмылöма вунöдлыны. Но öд эз узыны мунны, а велöдчыны, босьтны содгöд тöдöмлун да, код төдас, гашкö, тасянь и гөррдзяс томумовлөн профессия босьтöм йылысь мөвп-көсйöмыс.

- Журналистика меным ёна воö сьöлöм вылö, - висьталіс Изъва районысь Сизяб школаын 9 класса велöдчысь Галина Чупрова. - 5 классын велöдчигөн гижки кывбуръяс, йöзöгi школаын петысь «Сияние Сизябска» газетын. Сэсся заводити ичöтик статьяс гижны. А öні нин асьным вöчам газеттö. Водзынджык сійö петиç четвертьнас öтчыдысь, а выль велöдчан восянь кутам пепны быд төлысь.

Том йöз пырöдчöмаöсь уна сикас мастер-классö



да тренингö. Но ставсö пö кытшовтны эгö удитöй. Öд велöдчöм мунöма öкмыс час асывсьянь куим час войöдз. Нывлы сьöлöм вылас ёна воöма «Первый каналысь» диктор Михаил Верещагин. Журналист велöдöма томуловс колана ногөн сёрнитны. Меным пö тшöтш окота лои лоны бур дикторөн.

Біджид аттьö ныв тшöктіс висьтавны «Волжские встречи» аддзысьлöм котыртысь Евгений Суховейлы. Öд сійö корöма изъваса том войтырöс да мыйён вермöма, отсалöма. Аттьöавны тшöктіс ставнысö, кодъяс отсалісны ветлыны изъваса томуловлы ыджид фестиваль вылö.

Волга ю вылö мойвиöма ветлыны и Емдінса челядьлы. И найö тайö лунъяссö шуöны вывті шудаөн. Сэтшöм пö кыпыда асьтö кылан, кор уджалан нималана актёр Иван Кокоринкöд, рок-музыкант Тикке Шильенкöд да Чувашия Республикаөн веськöдлысь Михаил Верещагинкöд.

Кывкөртöдөн фестивальлы лöма концерт да медбура уджалысьясöс пасйöм. А войнас нин ставныслы ярьюгыда ломзьöма пионерскöй бипур, а сэсся гитара сьылöм улö томулов янсöдчöмаöсь да көсйысьбмаöсь аддзысьлыны выльысь.

Кристина СЕРГЕЕВА.

Снимокъясыс öтувезйысь.



Тшупöда
ПАС

Апрель помö Ю.Спиридонов нима искусствояс гимназиялön актöей залын мунис культура колледжса «Пельись мольяс» ансамбльлön отчётной концерт. Татчö чукöртчисны ансамбль-лысь сьылöм-йöктöм видзöдны радейтысьяс.

И «Шондїбан», и «Щельяюрса ветлöмьяс»

Велöдысь Александр Альхименко да ансамбльлön хореографической группа вочаалісны воысьясöс кадрийлön.



Сэсья гаж вуджис концерт залö. Тані видзöдысьяс кывзисны радейтана да сьölöм вöрзьöдана сьыланкывьяс. Ансамбльлы кызь во тырикжежлö Любовь Глазырина вöлі весиг лöсьöдöма «Пельись мольяс» сьыланкыв, кывьясыс да шыладыс велöдысьлön аслас жö. Таысь кындзи программаын сьылöм вежалісны хореография номерьяс. «Шондїбантöг» да «Щельяюрса ветлöмьястöг» гажыс эз жö коль. Öд найöс видзöдысьясид виччысьöмön виччысисны.

Зэв гажаа коліс сцена вылын «Изъваса восты-масьöм» («Ижемские сполохи»). Тайö петкöдчöмсö вöлі сїöма Изъваса «Луд» гажлы. Номер дасьтöмыс заводитчис кык во сайын нин, кор балетмей-



стер Елена Ярцева да хормейстер Лидия Терентьева, Изъваса культура керкаын уджалысьяс, колледжса студентьяслы сетісны мастер-класс. Тайö уджсö и лои пуктöма петкöдчöмлön сюрöсö.

Аслыссикас шензьöданаторийлön видзöдысьяслы лоис «Джаз» петкöдчöм. Номерлön авторыс - Эрик Нилсон, США-са Валдосты карын университетысь профессор, коді уджавлöма колледжын 1998-2000 воысын. Тайö петкöдчöм кежлас вöлі вурöма ярьюгыд рöма модной кöлуй.

Ансамбльса сьылысь котыр ливкйöдліс сцена-сянь коми да роч сьыланкывьяс. Тайö отчётной концертыс лоис кывкутана экзаменön колледж по-

малысьяслы - Анастасия Ермоловичлы, Ирина Плаксалы, Зинаида Головиналы да Арина Афанасьевалы - öд регыд найö кианыс босьтасны творческой котырön веськöдлысьлысь диплом.

Хореографьяс пöвстын эмöсь жö колледж помалысьяс - Светлана Паршукова, Наталия Зубова, Артём Пыстин, Дмитрий Меников да Павел Елфимов. Но öгö шогсьöй - на пыдди локтасны выль, том да ыджыд енбиа велöдчысьяс.

Концерт дасьтыны ёна отсасыс том велöдысь да концертмейстер Александр Альхименко. Сійö зэв бура петкöдчис казакьяслön сьыланкывйön. Велöдысьлön жö пай пуктöмön том йöктысьяс петкöдлісны «Бабонька-бабёночка» серамбана сьыланкыв.

Ансамбльлön тшупöда пас кежлö аслыспölös козинön лоис «Позитив» инструментальной ансамбльлön петкöдчöм. Любовь Глазыриналön



веськöдлöм улын татчö чукöртчöмаöсь «Пельись мольяслön» важся ёртьяс, кодьяс уна ветлісны гастрольясöн Финляндияті.

Видзöдысьяс нимсянь окота аттöавны «Пельись мольяс» ансамбльöс тшупöда пасөн да сини водзö вылö пыр совмыны да ветлыны унджык гастроль вылö. А сідзжö муöдз копыр концерт дасьтысьяслы: ансамбльлön веськöдлысьяслы - Татьяна Пупышевалы, Ольга Просужихлы, Наталья Гнедыхлы да режиссёр Виктор Напалковлы, а сідзжö том йöзлы, кодьяс пуктісны ыджыд пай петкöдчöмьясö.

Надежда ПУНЕГОВА

Материалсö дасьтöма культура колледжлön сайт серти.





АДДЗЫСЬЛӦМ

Сыктывдін районын апрель тӧлыссянь нин мунӧ «Весенняя неделя добра» акция. Районса администрацияын том специалистъяслӧн союз бура тӧдӧ, кодлы медъяна районса колӧ отсӧгыс. Бӧръя-ысьсӧ, майын, найӧ ветлісны ылі сикт-грездса детсадыӧ ветлысь дзюлюкъяс дорӧ.

Кузякӧд да Капризкакӧд он гажтӧмтчы

Гырысь сиктъясса детсады кокниджык. Шуам, Вьльгортын, Паджагын, Зеленечын, ӧд сэтчӧс челядь вермӧны кокниа волыны кушӧмкӧ культурной гаж вылӧ, ветлыны кытчӧкӧ группаӧн. Да и отсӧгыс быдсикас учреждение-ысь унджык. Та понда Сыктывдін администрацияса том специалистъяс бӧрйисны буретш ылі сикт-грезд, Медводз волісны Ситбар грездӧ да Час сиктӧ.

Мӧдӧдчисны челядь дорӧ, но эз куш киӧн. Сыктывдін администрация мыйӧн вермис отсаліс. Унаӧн вайисны

небыд чачаяс, ярыюгыд конструкторъяс, ворсан машина, мач, акань. Чукӧртӧм сьӧм вылӧ лои ньӧбӧма уна рӧма каба-ла, картон, фломастер, уна рӧма карандаш, альбом, пластилин да уна-уна мукӧдтор.

Ситбарса да Час сиктса челядьӧс волісны гажжӧдны Анна Чуб да Надежда Сажина. Детсадыӧ найӧ пырисны Капризка да Кузя клоунъясӧ пасьтасьӧмӧн. Посни ныв-зон нимкодпырысь вочаалісны найӧс да ворсісны. Капризкалӧн да Кузялӧн выль ёртъяс быд ногӧн вӧрисны-йӧктісны, ин-

дееч да дикаръяс моз «улюлюкайтісны».

Кыкнан детсадыс челядь висьталісны Победалы сийӧм кывбуръяс, сьылісны войнадырса сьыланкывъяс. Медбӧрын клоунъяс разӧдісны козинъяс. Детсадыӧ ветлысь Тимур зонка весиг шуис, мый киыс оз тырмы козинъясӧ кутны. Челядь корисны и водзӧ на дорӧ волыны.

- *Зэв ыджыд аттьӧ татшӧм гажсьыс. Миян ичӧт садъяслы - тайӧ тӧдгана лӧмтор. Волӧй ми дорӧ кӧть во джына-нас ӧтчыдысь. Ми пыр кутам виччысьны!* - аттьӧалісны водзмӧст-

чысь томуровӧс детсады-ясӧн веськӧдлысьяс да воспитательяс.

Восьтам гусятор, мый Час сиктсӧветувса детсадысӧ волӧм - водзмӧстчысь томуровӧн котыртӧм проектлӧн сӧмын на заводитчӧм. Водзӧ специалистъяс мӧвпалӧны волыны и школадзса мукӧд учреждениӧ. Медшӧрыс, аддзыны тайӧ уджын ёртъясӧс да сьӧмӧн отсалысьсӧс козин да челядьлы мукӧд колана эмбур чукӧртӧмын.

Сыктывдін районса администрациялӧн юӧр серти



Медым тōдiсны

Чужис Кебра сиктын
Ваня зонка - пи.
Мам - бaтьлōн вōли
ōкмыс ныв да пи.
Сийō восьтiс синьяс
Пемыд йōзлысь вōт
Коми войтырлōн герой.
Сиктса коми морт.

Менам чужан му - Коми Республика. Менам чужан кар - Ухта. Миян карын уна улича, эм шōртуй. Муна уличаяс дортi да лыддя налысь нимъяссō: Сенюков, Кремса, Семьяшкин, Прядунов, Куратов.

Менам уна ёрт оло Куратов улича вылын, но найō оз тōдны, мыйла уличаыс сiдзи шусьō. Ме тшōтш эг тōд. Сōмын школаын висьталiс коми кыв кузя велōдысь. Ыджыд пай коми литератураō пуктōмысь, позьō вōли сувтōдны мемориальной пōв либō монумент гижысьлы тайō улича вылас, медым уна йōз тōдiс Иван Алексеевич Куратов йылысь.

Ухта карын медводдза коми гижысьсōсь ниммōдiсны кыкысь: 1950-ōд да 1989-ōд воясō. Сетiсны

сиктлы да уличалы нимъяс. Ōни сиктыс абу, сэни промзона. А Куратов улича эм.

И.А.Куратов чужис 1839 воын Кебра сиктын, ōни шусьō - Куратов сикт. Котырыс вōли ыджыд. Чой-ясыс велōдiсны вокъяссō гижны да лыддысьны. Висьталiсны мойдъяс Пера-багатыр, Ёма-баба да Яг-морт йылысь. Ичōтсяньыс Иван пыдiсянь кылис, гōгөрвоис ас чужан кыв. Вōлōгодаса духовной семинараын велōдчигōн гижис кывбуръяс, вуджōдчис, уна лыддысис.

Гижысь аслас кывбуръясын мōвпалiс ловъя сёрни йылысь коми войтыркōд коми кыв вылын. Тōждысис, медым коми йōз вōли сюсь да гōлōса.

1866-ōд воын медводдзаясь вōли йōзōдōма Иван Куратовлысь вит кывбур. Но кывбур бōрас абу пасйōдōма гижысьсō. Сэки сылы вōли кызь сизим арōс. Но 1923-ōд воын И.А.Куратов йылысь паськыда нин кылисны. «Парма ёль» журналын сылысь йōзōдiсны кывбуръяссō роч да коми кыв вылын.

И.А.Куратов кывбуръясын петкōдчō коми йōзлōн олом. Сiдз, кывбуръясын шōр геройяс, кōни пōль да пōч, петкōдлōны нэмōвōйся сюсьлун, уджачлун, Енлы эскōм.

Нывъяс Иван Куратов кывбуръясын петкōдлōны томлун, мичлун, муслун.

Уна гижōд сийō дас ōкмыс арōса Александра Поповалы. Тайō радейтчōмыс Сандра дорō Иван Куратов оломын, сылōн гижōдъясын медся югыд визь. Куратов серти, шуд - тайō мыла гор, пытшкōсса сōстōмлун.

Зонъяс кывбуръясын петкōдлōны коми оласног. Коми зон - кыйсьысь. Тōдō вōр - ва, бур, авъя, мывкыд, ён, но гōль.

И.А.Куратов чукōртлiс йōзкостса сьланкывъяс да мойдъяс. Иван Куратов - коми литература да кыв подув пуктысь. Сийō медводдзōн босьтчис туйявны коми войтырлысь олан туйсō, чужан кывсō. Гижысь вуджōдiс Пушкинōс, Кольцовōс, Крыловōс, Шиллерōс. Туялис удмурт да мари кыв, гижис челядьлы.

И.А.Куратов тайō коми йōзлōн, рочōн кō шуны - «НАЦИОНАЛЬНОЕ ДОСТОЯНИЕ». Ассьыс тōдōмлунсō, сьōлōмсō, уджсō гижысь колис коми войтырлы, коми мулы. Яндзим миянлы, мый ми ветлам коми му вьвтi, быд лун Куратов улича вьвтi и огō тōдōй, кодi сэтшōм Иван Алексеевич Куратов.

Анна КОРОСТЕЛЕВА,

Ухта карса 16 номера школаын 6 «а» класса велōдчысь.

Велōдысь:

Елена Александровна БЫСТРОВА

Сочинение дасьтiгōн вōдитчōма:

Ванеев А. Куратов Иван Алексеевич // Республика Коми: энциклопедия. - Сыктывкар, 1999. - Т. 2. - С. 174 -176.

Демин В. Иван Алексеевич Куратов // Писатели Коми: биобиблиографический словарь. В 2 т. Сост.: В.Н.Демин.

Со кызд сийōс тōда ме...

Код Кебра сиктын коркō важōн чужис,
И медмусанас сылы вōли мам
И кык арōсаōн, и кор нин вōли комын,
Войт мында мамсō радейтōм эз ям.

Код мортōс пыдди пуктiс кызди мортōс,
Мед сийō коми, роч либō узбек,
Мед сийō гōль, мед тшыг, а, гашкō, кōмтōм,
Но сьōлōм бурсō налысь кылис век.

Код чужан кывсō миян моз эз кедзвот.
Мый сийō коми - вылын кутiс юр.
Код кōсийс чужан муас нэмыс овны,
Да татшōм шудыс гудырас эз сюр.

Код коми йōзлы кōсийс радлун, мездлун.
И талы сиис ассьыс дженьыд нэм.
Но петлō, ёртъяс. Сылōн нэмыс помтōм,
Од талунōдз на сийōс пыддысь эм.

И лоас водзō. Видза ов, Куратов.
Ме дзик жō тэ кодь коми руа морт.
И некод водзын таысь абу яндзим
Вай кутлы киōс кызди ёртлысь ёрт.

Тэ кōсийн чужан муад овны - олан
ōд Коч Закарыс буретш тэ и эм,
А талунōдз ми тэнад медбур гōсьтъяс.

Со татшōмōн и тōда сийōс ме.

Вагим СЕМЯШКИН,
10 классын велōдчысь.
Инта районаса Петрунь сикт.



КОНКУРС

«Со кыз сійос төда ме...»

Коді мян республикаын оз төд медводдза коми гижысь Иван Алексеевич Куратовос? Роч томуловыд, гашкө, оз и кужны висътавыны сы йылысь, а коми том йөзыд быть нин индасны сы йылысь коть кутшөмкө юөр, а гашкө, төд вылас на уськөдласны сылысь кывбуръяссө?

Том йөз, а ті төданнуд, мый таво Иван Алексеевич Куратовлөн чужөмсянныс тырө 175 арөс?! Сідзкө, тайө воыс тшупөда паса ставнас коми литературалы! Сідзкө, буретш мянлы - коми войтырлы - быть колө казътывыны да нимөдны коми литература подув пуктысьсөс, ыджыд да төдчана гижысьсөс!

Со и ми, «Йөлөга» газет дасътысьяс, шуим нимөдны сійос асланым лист бокъясын. Кызди, юаланнуд? А буретш тиян - коми томуловлөн - отсөгөн.

Тавося март 11-öd лунсянь май 20-öd лунөдз ми юортам медводдза коми гижысь Иван Алексеевич Куратовлөн чужөмсянныс 175 арөс тыригкежлө сочинениеяслысь конкурс йылысь. Нимсө конкурсыслысь босьтім сылөн кывбурясы - «Со кыз сійос төда ме...» Иван Алексеевичлөн олан туй да кывбурясы йылысь поэбө висътавыны-мөвпавны помтөг.

Уджъясыд вермасны лоны и сочинениеөн, и висътөн, и письмө нога гижөмаөн, эссеөн да весиг кывбурөн. Мича коми кывйөн висъталөм-гижөм, пыдї мөвпгыса уджъяс кутасны донъявны «Коми йөзөдчан керкаын» зільысь журналысьяс да гижысьяс: Надежда Николаевна Быковская, Павел Иванович Симпелев, Алексей Владимирович Полугрудов да Галина Валерьяновна Макарова.

Уджлөн ыдждаыс мед эз вөв унджык 12 лист бокысь.

Сочинениеяс кутам донъявны арлыда нимпасъяс серти:

1. 5-7 классъясын велөдчысьяс (1-3 местаяс);
2. 8-11 классъясын велөдчысьяс (1-3 местаяс);
3. вузъясын велөдчысьяс (1-3 местаяс).

Уджъяс виччысям татшөм адрес серти: **Сыктывкар, Карл Маркс улица, 229 керка, 401 кабинет, «Йөлөга» газет редакция, а сідзжө электроннөй пошта вылө: yologa@mail.ru**

Став юалөмъясөн поэбө шыөдчыны **8 (212) 24-12-22 да 24-36-49** телефонъяс пыр.

Конкурсө став пырөдчысьлы вичмасны аттёбалана гижөдъяс, а вермысьяслы - дипломъяс да козинъяс.

Виччысям! Кадыс абу уна! Водзмөстчөй, том йөз, нимөдөй коми литературанымос!

Петкөдчисны медбур боксянь

Культура колледжса велөдысь-велөдчысьяс майся гажъяс водзын ветлісны Кировө регионъяспөвстса том йөзлы «Искусство да творчество» арт-школа конкурс вылө. Котыртліс сійос Вяткаса культура колледж. Конкурслөн медводдза юкөныс мунис заочнөя. Томуловлысь уджъяссө жюри виддаліс өтувез пыр, а сзсыя нин быд нимпасын медбур дас уджлысь авторъяссө корисны ордысьны очнөя. Сэки жө Кировын уджалісны творчөскөй лабораториясы. Тані ассыныс уджъяссө вөзйисны донъявны буктрейлеръяс, фотографъяс, дизайн-проект дасътысьяс, сыломын да йөктөмын водзмөстчысьяс. Таысь кызди, коды окота, позис пырөдчыны сылан-йөктан мастер-классъясө.

Жюри вылө донъяліс «Пельысь молясы» ансамбльысь петкөдчөмсө да пасйис вермысьяслөн дипломөн. «Эзысь войт» фольклор ансамбльы сідзжө вичмис вермысьлөн диплом.

Мед и водзө вылө лоасны ыджыд вермөмъяс!

Миян корр.



**Пөчө
Кудийсы**

Юркарын муніс карса акция - «Менам рөдлөн вужъяс» («Моя родословная»). Уджъяссо вөчисны челядь садьо ветлысьяс асланыс бать-мамкөд да пөль-пөчкөд. Зев аслыспөлөсөсь найо артмисны. Быд семьялы тайо акцияс пырөдчөмыс лоис асланыс семья йылысь вильтор төдмалөмөн. Унатор лои стөчмөдөма, гөгөрвөдөма, аддзөма виль рөдеужөс. И быд уджын төдчө, мый пуктөма уна вын-эбөс, вөчөма сьөлөмсяныс. Та вөсна журилы вөлі зев сьөкыд бөрийны медбуръяссо.

Быд мортлы колө төдны-туявны ассьыс рөдсө

«Семьяын медбур аддзөмтор» нимпасын вермысьон лоис 57 номера садьысь Галченковъяслөн семья. Аслыспөлөслунөн да творчество боксян торъялысьон шуисны 14 номера садьысь Павловъяс семьялысь уджсө. Ассьыныс семьясө найо өткөдлөны павлинкөд. Сэтшөм пө ми мичаа да ярьюгыда олам, пырөдчам быд конкурсө, радейтам ас йылысь висътавны-петкөддыны.

«Семьялөн медбур летопись» нимпасын лои пасйөма кык семья: 30 номера садьысь Эккъясөс да 23 номераысь Мартюшовъясөс. 29 номера садьысь Старцевъяслысь семья пасийсны, кызди воюйтлөм дедъяс йылысь медбура казтылысь-видзысьясөс. 80 номера челядь садьысь Черниковъяслысь семья шуисны медуна национальностяөн. Медъертасъысь семьяөн лоины 3 номера садьысь Тихоновъяс, а медбур архив видзысьясөн - 86 номераысь Дубравинъяслөн семья. Семьяпытшса традиция видзөны-өнмөдөны 66 номера детсадысь Рылинъяслөн да Савинъяслөн семьяяс.

Акция петкөдліс, мый семья мортлөн олөмын лоө медколанаторйөн. Матысаясыд төдөны-примитөны сэтшөмөн, кутшөм тэ эм. На водзын оз ков петкөдчыны, а колө пыдди пуктыны, кутны юрад, мый ти өти вираөсь, и дойдны нинөмөн оз позь. Кутшөм крепыдөсь вужъясид, сэтшөмөн и тэ лоан. И быд мортлы колө төдны-туявны ассьыс рөдсө.

Од кыз шуласны, пуыд быдмө вужъяссянь... Сидзкө, колө босътчыны кывкутана уджө кыз позьө водзджык, медым тэнад челядьыд да внук-внучкаыд водзө нуөдісны тэнсыд заводитөмтө.

Миян корр.



Сиктысь – каро ЮОР ВАЯМ

Стройон ветлыны дасьось



Кыдзи и пыр, Ыджыд Вермөм лун водзын Көрткерөс районуысь Ыджыдвидзса школаын нуө-дिसны велөдчөм серти интеллектуальной марафон-лысь кывкөртөд да пасйисны сідз шусяна отличникъяслысь лун.

Марафонын вермысьясөн лоины быд классысь өти велөдчысьөн. Сідзжө отличникъяслөн лунө козинторъясөн пасйисны 1-11 классъясса медбур велөдчысьясос.

А май 7 лунө школаын нуөдисны стройон ветлөм-лысь да сьланкывъяслысь смотр, кодөс тшөтш сиисны Победа луналы. Смотр петкөдліс, мый ныв-зон стройон ветлыны дасьось прамой салдатъясысь на бурджыка.

Миян корр.

КОЛАНА УДЖ

Ыджыд Вермөм лун водзын Көрткерөс сиктса шөр библиотека пырөдчыліс «Лыддям челядьлы война йылысь» акцияө. А юөртлөма акция йывсьыс Самара карса челядьлы библиотека.

Лыддям челядьлы война йылысь

Лыддысьөмъясө пырөдчылісны Россияса 58 регионьысь, Белоруссияысь, Казахстанысь да Украинаысь матө 200 сюрс посниулов. Буретш май 7-өд лунө 11 часын отув заводитчисны лыддысьөмъяс.

Көрткерөсса библиотекалөн залын 7-8 классъясын велөдчысьяс лыддисны В.Богомоловысь «Иван» повесыт. Аддзысьлөм водзын быдөнлы сеталісны юалөмъяс: эмось-ө ныв-зонлөн пөль-пөч, кодъяслөн челядьдырыс колис война кадө? Юасьоны-ө томуров олөма йөзлысь война йылысь? Дерт, унджыкыс вочавидзисины: да. Уналөн пөль-пөчыс тылын уджөн отсалісны фронтыввасаяслы. Ставсө тайос казгытлөм бөрын челядьлы лои матынджык да гөгөрвоанаджык тайө повесытыс.

Лыддысигкості ныв-зонлы бара на сеталісны повесыт серти юалөмъяс. А медбөрын челядьлы тшөктісны мөвпыштлыны, кыдзи эськө найө эштөдісны гижөдсө. Повесытлөн бөръя сөрникузяссө лыддөм бөрын залын лои чөв-лөнь. Томуров быдөн ас пытшкас казгыштіс война йылысь да гөрдитчис том зонлөн повтөмлунөн да подвигөн...

Валентина ШЕСТАКОВА



**Босьт
ПРИМЕР**

Яков Лушков велөдчө 7-öd классын Сыктывкарын университет-бердса лицейын. Водзмөстчысь зонка удитө и велөдчыны, и олимпиада-конкурсө да конференцияө пырөдчыны, тшөтш и мукөд сикас вермасьомө. Нимкодь, мый Яша шедөдө приза местаяс республикаса да став Россияса тшупөдын. Нöшта сийө асшөра велөдчө ворсны гитараөн да ветлөдлө таэквондо вылө. Öнi пö менам лөз вөнъ нин. Спортын чукөрмөма 12 медаль, 4 кубок. А «Йөлөгга» газет лыддьысьөс ёнджыка көсьям төдмөдны сылөн «Два Града» туялан уджөн.


«Ичөт мортлөн» странаын төдчанлун

Неважөн коли Победа лун. Тайö кыпид луныс матыс и Яшалы. Аслас туялан уджын сийө гижө война көр төдысь Николай Александрович Ракин да Павел Петрович Матосов йылысь, зильө петкөдлыны странаын «ичөт мортлысь» төдчанлунсө. Колө пасйыны, мый Николай Александрович - Яшалөн прапрапөль, а Павел Петровичкөд Яшалөн семья важөн нин ёртасьö. Со мый гижө Яша на йылысь.

Войналөн көр оз вун

Павел Петрович Матосов чужлөма Алтай крайса Селезнёво сиктын 1929 вося апрель 9 лунө. Кор сылы тырис 12 арөс, заводитчис война. Война сьöкыда мөрччис 12 арөса зонкалы. Сылөн бать Пётр Харитонович (первой мирөвөй да гражданскөй войнаяса участник) мунис Великой Отечественной войнаса фронт вылө. Войналөн медводдза воясö тышкасьны мунисны и куйм вок. Василий вок кынди ставөн пöгибнитисны, а Василий пыр казътылис Сталинград йылысь став тышсö...

Павел Петрович «экстернөн» помалис школа,



пырис да помалис горнөй техникум. Служитис кык срок армияын (1950-1954): Австрияын, Венгрияын, Балтика вылын. Сэсся Кузбассын 22 во, пенсия-өдз, уджалис шахтөрөн. Киселёвск карын чужөма семья. Омөль дзоньвидзалун понда мунөма Туапсеö, көнi 1975-сянь 1987 воөдз олөма Новомихайловск посёлокын. Мунөма сэтчö бурдöдысьяслөн тшöктөм серти, öд войнадырся кад да шахтёр удж омөльтисны сылысь дзоньвидзалунсö. Но Сьöд саридз эз отсав, да локтис чужан муас, лэптис керка Кучук сиктын, нутрия видзис, а сэсся дзоньвидзалун понда ковмөма лэдзчысьны уджысь.

Öнi Павел Петрович олө Сыктывкарын. Сийö эз вунöд войнадырся кад, олөмсö радейтö. Сийö рад быдөнлы, кодi локтö сы дорö. Павел Петровичлысь висътасьомсö поэьö часъясөн кывзыны. Война төдысь йөзлөн казътылөмъяс серти гижөма «Сталинград» поэма. Тайö сылөн реликвия. Сталинград тыш төдысь йөз сиктын эз вөв этша. Найö и ышөдөмаось Павел Петровичос гижны поэмасö. Отсалисны сиктын олысь и пленнөй австриечъяс (налөн вөлөма поэянлун сёрнитны сиктын олысь-яскöд). Öтчид Победалөн 50 во тырөм кежлө поэмаысь юкөн весиг йөзөдөма «Знамя Советов» алтайскöй газет.

Войнатөг овны ыджыд шуд

Николай Александрович чужлөма 1906 воын Вөлөгга губернияысь Луздор вөлөсьтса Ракинскöй грездын голь коми семьяын. Верстяммөма зон водзсянь, отсалөма быдтыны Ульяна да Татьяна ичөтджык чойяссö. Ичөтсянь радейтөма лыддьысьны, мөвпавны.

Ёна уджалөма, пырөма коммунистическөй партияö, велөдчөма. Война дырйи мунөма фронт вылө да уна сьöкыд лун венөма, Ленинградса блокада аддзылөма. «Овны эз дыр коль», шуисны бурдöдысьяс контузия бöрын 1945 вося гожомын гортас мөдөдигөн. Но тадз эз ло. Николай Александрович лоөма «связьын 3-öd ранга директорөн», кык нывлы да нель пиылы батьөн. Пенсия вылө петөм бöрын отсалөма ныв-пиыслы лэптыны керка, вөрö ветлөма, внук-правнукос быдтөма. Олөмыслөн медбөръя здукөдз весалөма картупель «серпантинөн», казътылөма Ленинградса блокада, Бадаевскöй





складьяс, «Дорога Жизни». Со тадзи коми зон, Айму вöсна Бдждь тышдырся садат олöма 79 арöсöдз. Кувсьöма война бöрын 40 во мысти 1985 вося декабрь 3 лунö.

Николай Александровичöс, Ленинградса блокада пыр мунысьöс, ловйöн ме эг аддзыв, но сы йылысь унатор кывлі почсянь. Коркö, верстыамыштї да, меным петкöдлісны миян семьялысь реликвияяс. На лыдын вöлі вижöдöм лист бокъяса 12 тетрадь. И со ме лыддя прапрапöльысь гижöдьяс:

«Июль 16 лунö воис военкоматысь повестка, мый запасын сержант Ракины колö воны июль 18 лунö 9 час кежлö пединститут горö. Менö босьтöны отделенияса командирöн».

«Фашистъяскöд тыш заводитчис бура: «минаяс кутісны взрываютчыны рудзöг быдманіно, кытчö пышійис немеч...»

Прапрапöльлөн казътылöмъясысь уна вьлитор тöдмалі. Кыдзи кодйисны окопъяс, куталісны диверсантъясöс, предательясöс, олісны авианалёт дырйи, тышкасисны Ленинград, Пушкин, Всеволожск дорын, кыдзи фашистъяс öтувтчисны финнъяскöд, взорвитісны Бадаевскöй складьяс да эз ло сёян-юан.

«Вежны нянь табак вьлö эз позь... Ленинградын олысь Левин öтчыг аддзыліс, кыдзи сеті 9-10 арöсаныквалы нянь да мөвпалі, мый висьталас та йылысь полкса комиссарлы».

«Веськалі Сестрорецкö, 27-öд пограничнöй бригадаö, Белохоновлөн миномётнöй ротаö... Вöвъяс эз вöвны, ставсö кыским асьным...»

«Пулково... миномётнöй ротаын унатор ковмискужны вöчны, ...немечöс вöтлім, но наступайтны эг вермöй, эз отсавны весиг воём «катюшаяс».

«Поляна смерти» - нюра ин, 10 гектар кымын, көні войнаöдз Эстонияса войтыр турун ытшыкылісны. Тайö эрг шöрті муніс туй. Немеч тöгис тайöс да лыйліс тайö инсö пыр».

«Дорога смерти», а сёся Невский проспект - тайö паськыг ордым, йöза туй, сійöс немеч лыйліс быг боксянь».

«44 вося августö лоины «Вперёд на Берлин!» лозунга гижöдьяс».

«Контузия. 1945 вося январьын, всяян кокөн веськалі Ригаö, коймöд Балтика бергса фронтö... сёся мöд Балтика бергса фронтö артиллерийскöй полкö... Мейсь пöльза эз вöв уна».

«1945 вося гожöмын локті гортö сійö жö пароходнас, мыйöн и муні война вьлö, Эжва юöг. Шуда аддзысьöм. Шуда синва киссьö, мыйысь абу яндзим».

Николай Александрович унатор аддзыліс. Öкмыс медальысь медъяна донъялö сійöс, мый шедöдöма 1942 вося декабрь 22 лунö - «За оборону Ленинграда». Прапрапöль эз прöста тышкась фашизмлы паньд, сійö нуис олöм чöжыс война йылысь казътылöм. Сьökыдунысь сійö эз чорзы. Сы серти, войнатöг овны бдждь шуда.

* * *

Пырджык öд морт йылысь гижöны, кор сійö мыйöнкö нималö. А ме аслам уджын гижи прöстöй йöз йылысь да налөн тöдчана олöм йылысь.

Яков ЛУШКОВ





Миянаы
ГИЖОНЫ

Көрткерөс районса Нёбдин сиктысь ные-зон гижоны сиктса уджач йөз йылысь. Уджтөгьд овны гажтём, кадыс оз мун ни. Челядь төдмөдөны, кутшөм уджач йөз олөны налөн чужанинын.

Мортыд уджын мортъяммө, мортөс удж мичмөдө

Удж нимөдө мортөс

Коми йөзөн уна шусьөг лөсьөдөма уджач морт йылысь. «Радейтан уджысь он мудз» - лөсялө менам радейтана мамуклы - Зинаида Семёновна Макаровалы. Сійө уджалө кагавидзанинын кагульничайн. Нёбдинө сійө веськалөма мөдөд номера педучилище помалөм бөрын 1989 воын моз төлысь. Уджалө посни войтыркөд 23-өд во нин. Чайта, мамлөн уджыс абу кокни. Төдчанаыс сьлөн уджын - медем эськө челядыс быдмасны да лоасны дзоньвидзысьсь, киподтуяось, вежавидзаось, вөрва да чужанин радейтысьсь, мам-батьос пыдди пуктысьос. Öти кывйөн кө, прамөй йөзөн мед лоасны. Мамөй ассьыс уджсө радейтө, и та понда ставыс сьлөн артмө. Сійө менам шань, авъя, вежавидзысь, зиль, быдөн дорө сибалысь. Посни войтыркөд уджалігөн татшөмөн и колө лоны.

Сиктын мам - пыдди пуктана морт. Шуа тадзи, өд ньөти лөк кыв на сы йылысь эг кывлы сиктсаясьянь. Мамуклөн чукөрмөма уна почөт грамота да аттёалана письмө. Бур уджысь козьнавлөмаось. А нөшта уна во чөж мам пырөдчө Опонасей ярмангаө да пыр вайө сзтысь кутшөмкө козин. Мамуклөн уджыс зэв колана, өд сійө дасьтө ичөт челядьсө школа пыриткежлө, велөдө найос унаторйө. Ачым ме мөвпала со мый: радейтана уджтө колө бөрийны ичөтдырсяньыд, кызди менам мамөй. Сійө казгылө, Навөлөкын быдмигөн на пө көсьома лоны кагульничайн.

И сідз, менам мамөй некор оз мудз аслас радейтана уджысь. Ен мед сетас сылы дзоньвидзалун да терпеннө, мед дыр на сетас мывкыдлун посни войтырлы.

Ангелина МАКАРОВА



Чуймөднатор

Менам батый дзолясянь быд гожом уджавлома видз вылын, пуктома турун. Ичотсяньыс ертасыма менам Витя чождо. Найо гожомбыд уджавломаось вов вылын, кыскалмаось юрьяс, куртомаось.

Бать уджавлома Чайка вов вылын. Вольс тушанас зэв ичотик, но сысь тэрыбыс да пелькыс абу вөлөм. Весиг гырысь да ен вөвьяс абу вермөмаось сийос паныны.

Витя чождон вөлөм Буян вов. Сылон вольс абу вөлөм сэтшөм тэрыб батылөн кодь. Но вольс вөлөм кужо мунны кык кер кузя. Татшөм шемөсмөднатор висьгалис менам батый.

Витя ЛАТКИН



Радейтана велөдысь

Менам радейтана велөдысь - Любовь Ивановна Федосеева. Любовь Ивановна Федосеева унджык и унджык төдөмлун шедөдөм. Онн ми 7 классын велөдчөм. Виль предметьяс лоины. Алгебра урок мен кажитчө, физика вылын велөдөм молекулаяс, геометрия урок колө сюся кывзыны, мед ставсө гөгөрвоан. Любовь Ивановна нуодо оригами кружок. Сэни вөчалам унатор, тшөтш и козиньяс. Мен кажитчө тайо кружокыс. Любовь Ивановна урок вылын мукөддырйи сэралыштам, но ог дыр, дзык пыр водзо кутчысям уджө. Физика урок дырйи вөчлим презентация. Любовь Ивановна зэв ена кажитчө, и көсья, медым сийо пыр коляс татшөм мичаон да шаньон.

Кристина ФЕДОСЕЕВА

Радейтана ужысь он мудз

Сиктын олө зиль войтыр. Ена нималө аслас уджон Андрей Витальевич Федосеев, кодн веськөдлө сиктса лавкаон 16 во нин. Уджаланисо сийо ачыс дасьтис-стрөбитис, ачыс ньобалис төвар. «Радейтана уджысь он мудз», - шуө баты. Сийо оз сомын лавканы уджав, но и вөчис ас кийон пневмаход. Эм сылон и дельтоплан. Бур поводдя дырйи сы вылын лэбалө, и ме тшөтш ськөд. Та йылысь весиг газетын гижлисны. А батый оз өтнас вузась, сэтон и менам мамукөй уджалө. Овлө, и ме сэни отсая налы. Чайта, мый тайо уджыс зэв колана! Ставнысо вердо-юкталө. Баты сьолөмсяньыс уджалө. А ме көсья лоны зэв бур пөварон.

Агелина ФЕДОСЕЕВА



ВОЛОМКО

СССР дырйи май 19 лунö пыр пасйывелісны Пионерьяслысь лун. Сэкса томулов тайö лунсö ёна виччысисны, өд сэки выль «чужом» пионерьяслы сьыліас көртавлісны гөрд галстук, морёсаныс өшөдлісны пионерскöй значок, а ныв-зон сетісны клятва.

Пионерьяслон лунон!

Пионерьяслон кыплысь кывъяссö кызь-комын во сайын школаын велөдчысьяс өнөдз на төдöны. Тайö «Марш юных пионеров». Сійос 1922 воын гижлісны кык комсомолец - пианист Сергей Кайдан-Дешкин да поэт Александр Жаров. Заводитчис «Взвейтесь кострами, синие ночи, мы пионеры - дети рабочих!» кыпыд кывъяссянь.



Гожся каникуляс дырйи пионерьяслон заводитчыліс выль олөм. Кызвыныс на пөвстысь мунісны пионерлагерö. Öти здук прöста эз овны, пыр мыйкө вöчисны: дасьтисны быдсикас петкөдчөм, нуөдісны собрание, бергөдісны отувья удж.



1929 воын пионерьяслы вöлі весиг лэдзöма санитарной памятка. Сэтчö пасйöма некымын тшöктөм: мый колö вöчны пионерлы быд лун, кутшөмөн сылы колö лоны, кызди пелькөдчыны да с.в.

Коді сэтшөмыс пионер? Тайö том морт, коді нинөмысь оз пов, сьöкыдуньяс венö норасьтөг, бура велөдчö, төдö дисциплина, отсасьö ичөтлы да верстьöлы, вежавидзысь морт, некор оз ылөдчы, кывкутö ёртьяс водзын. Пионер кужö воны öти кывйö быд морткөд, сьөлөмсяныс радөйтö да пыдди пунктö Рөдина, сійос дорйысьясөс, дөзьоритö вөр-ва бөрся, пунктö пуяс, отсалö лэбач-зверлы.



Талунья томуловлы колö жö котыртны пионерия кодь кутшөмкө котыр. Медым эськө быдмысь войтыр вермисны вöчны радейтана удж, тшöкыд-джика аддзысьлыны ёртьясыскөд. Медым найö ассыныс челядьдырнысö казътылісны шуда здукьясөн. Унджык томуловыс öні пукалö сөмын компьютер сайын, весиг ывлаө оз петавлыны.



ТӨД ВЫЛӨ

8-800-2000-122

ТЕЛЕФОН ДОВЕРИЯ
ДЛЯ ДЕТЕЙ, ПОДРОСТКОВ
И ИХ РОДИТЕЛЕЙ

17 мая
в ТРЦ «РАДУГА» - акция
г. Сыктывкар, ул. Первомайская, 38

«ТВОЙ ДРУГ - ТЕЛЕФОН ДОВЕРИЯ!»

13.00-14.00
Мастер-классы
(аквагрим, аппликации из цветной бумаги
«Солнышко» и «Ромашка»)
(2 этаж);

13.00-14.00
Конкурс рисунков на асфальте
«Детский телефон доверия глазами ребенка»
(возле ТРЦ «Радуга»)

14.00-15.00
Игровая программа
«Искатели приключений»
(3 этаж)

Каждый сможет сфотографироваться
возле ТРЦ «РАДУГА» с Весёлым телефоном (11.00-15.00)
Сделай прикольное фото - смени аватарку!

Самых активных ребят ждут призы

Медбур ёрт - телефон

Быд во май 17 лунö Россияын пасйöны челядьлысь войтыркостса дөверие телефон лун. Котыртöны уна гаж, медым нимöдны сылысь коланлунö.

Таво дөверие телефонлысь лун пасьясны и Коми Республикаса юркарын. Социальной технологияс сөвмөдан регионса шöрин медся ичöтгьяслы котыртас «Твой друг - телефон доверия» акция. Аддзысьлöмыс лоö май 17 лунö «Радуга» вузасян шöринын 13-15 часьясö. Бать-мамлы да налön челядьлы лоö аквагрим кузя мастер-класс, ворсöм, асфальт вылын серпасасян конкурс. Дөверие телефонлön удж йылысь ичöтик сценкаын висьталасны «Голоса надежды» агитбригадаса томуров (челядьлön да том йöзлön Сыктывкарса творчества дворечлön «Мастер игры» творчества котыр).

Быдөн вермас фотографируйтчыны Телефонкöд. Акция котыртгьясыс серти, татшöм гажыс колана, медым дөверие телефон йылысь тöдисны челядь. Тайö вермас ёна отсавны кагалы сьöкыддырйи.

Май 17 лунö жö, 00.00 чассянь 24.00 часöдз, «Телефон доверия» республикаса служба нуöдас «В трудностях - вместе» пöсь линия. Шыöдчыны вермас быдөн.

«Скорая социальная помощь» - **8(8212) 21-11-66** (стационарнöй телефонсянь звöнокыс дон босьтöт). «Челядьлön дөверие телефон» - **8-800-2000-122** (сотöвöй да стационарнöй телефонгьяссянь звöнокыс дон босьтöт). Колана юөр позьö аддзыны и www.komiforum.ru порталын.

Социальной технология сөвмөдан регионса шöринлön юөр серти

«Коми йöзöдчан керка»
Коми Республикаса
автономнöй учреждение.

Веськöдлысь
Н.Н.БЫКОВСКАЯ
Гл.редактор
Г.В.МАКАРОВА



Газет панысь:
Печать да юөр сетан Коми
Республикаса агентство.
Регистрируйтöма
2007 вося ноябрь 28 лунö
йöзлы юөр сетöм да
культураса озырлун видзöм
кузя оланпасьяс
збыльмöдöм бöрся
видзöдысь федеральной
службалön Беломорской
управлениеын.
Регистрируйтан пас:
ПИ №ФС 3-0686.
Социальной тöдчанлуна
гижöдгьясö йöзöдöма «Коми
йöзöдчан керка» автономнöй
учреждениелы печать да юөр
сетан КР-са агентствöн
вичмöдöм сьöм вылö.



Редакциялön адрес:
167982, Сыктывкар,
К.Маркс улица,
229-öd керка,
401-402 кабинетгьяс.
Тел. 24-12-22, 24-36-49.
E-mail: Yologa@mail.ru



Редакцияын
уджалысьяс:
том йöзлön мытшöдгьяс
юкөнön веськöдлысь –
Надежда Пунегова;
письмö юкөнön
веськöдлысь –
Екатерина Микушева.



Медводдза лист бокас
снимокыс
Екатерина
Микушевалön.



Авторьяслön мөвпгьяс оз
пыр лöсавны редакциялön
видзöдласкöд.



Тираж – 768.
Гижöдчан индекс – 52099.
«Йöлöга» газет петö
1991-öd восянь
вежоннас öтчид, комиön.



Печатьö кырымалан кад:
график серти – май
тöпысьлön 14-öd лунö
16 часын; кырымалöма
печатьö 16 часын.
Газет печатайтöма
«Коми республиканской
типография» ООö-ын дась
оригинал-макетгьясысь.
167610, Сыктывкар,
В.Савин улица, 81
Заказ №



СЕНСАЦИЯ, СЫКТЫВКАР, ВСТРЕЧАЙ!

с **17**
мая

1
по
июня

Республика

РЕСПУБЛИКАНСКИЙ

СТАДИОН

(ЗАПАСНОЕ ПОЛЕ)

ЦИРК

НА ВОДЕ

AQUACIRCUS

АКЦИЯ!

НА БУДНИЧНЫЕ ПРЕДСТАВЛЕНИЯ
СКИДКА С КАЖДОГО БИЛЕТА

100 руб.

НАЧАЛО:

17 мая (СБ)-17.00	28 мая (СР)-18.00
18 мая (ВС)-17.00	29 мая (ЧТ)-18.00
21 мая (СР)-18.00	31 мая (СБ)-13.00,
22 мая (ЧТ)-18.00	17.00
24 мая (СБ)-13.00,	1 июня (ВС)-13.00,
17.00	17.00
25 мая (ВС)-17.00	17.00

информационный спонсор "НАРОДНАЯ СПРАВКА"

ДЕТЯМ ДО 5 ЛЕТ
ВХОД БЕСПЛАТНЫЙ

тел.: 577-577, 8 963 559 0005

БИЛЕТЫ: КАССА ЦИРКА, ЦУМ(55-11-30), КАССА СТАДИОНА(39-00-42)

ВНИМАНИЕ!

ПРИ ПОКУПКЕ БИЛЕТОВ НА ПЕРВОЕ
ПРЕДСТАВЛЕНИЕ ДО **17МАЯ**

СКИДКА 20%